

BASES PARA A PARTICIPACIÓN NO PROGRAMA FERROL ESCENA 2014

Primeira. O Concello de Ferrol, a través da concellería de Cultura, convoca o programa FERROL ESCENA co obxecto de contribuír á difusión e á promoción do teatro, música, folclore, danza e demais manifestacións artísticas a nivel aficionado e o seu achegamento ás asociacións veciñais deste Concello.

Segunda. A participación neste programa está aberta a todos os grupos de artes escénicas afeccionados e ás asociacións veciñais que consten inscritos (ambos) no rexistro municipal de entidades cidadás do Concello de Ferrol.

Terceira. Procedemento.

a) 1ª Fase

Os grupos que opten á participación deberán achegar o anexo I, a modo de solicitude e acompañalo da seguinte documentación:

- a) Fotocopia do CIF da entidade.
- b) Fotocopia do documento de exención do IVE ou certificado de que os seus estatutos cumpren o disposto na Lei Orgánica 1/2002.
- c) Autorización da SGAE, para o caso de que a obra ou peza non sexa orixinal do grupo (salvo acreditación de exención).
- d) Ficha técnica e artística, incluída duración.
- e) Sinopse da obra (*no caso dos grupos ou compañías de teatro*).
- f) Historial da compañía ou grupo.
- g) Nome, apelidos e enderezo electrónico da persoa responsable do grupo.
- h) Certificado bancario da conta do grupo, onde se fará o pagamento.

A información e documentación requiridas deberá presentarse, no rexistro xeral do Concello de Ferrol, no prazo máximo de 20 días naturais contados dende a publicación da convocatoria na páxina web do Concello.

Non haberá limitacións ao número de grupos e propostas.

b) 2ª Fase

Unha vez elaborado o catálogo de grupos inscritos as asociacións veciñais deberán achegar os anexos II e III a modo de solicitude nun prazo de 15 días naturais contados dende a publicación do dito catálogo na páxina web do Concello.

Cuarta. As actuacións terán lugar **unicamente os fins de semana do ano 2014** nos espazos propostos polas asociacións veciñais que así o soliciten, sempre e cando sexan espazos pechados e teñan as instalacións axeitadas para poder desenvolver as ditas actividades.

Quinta. Condicións.

- a) As actuacións serán públicas e de balde.
- b) As asociacións veciñais poderán solicitar ata seis actuacións (e dúas de reserva). **Tres destas actuacións realizaranse no período comprendido entre os meses de Febreiro e Xullo de 2014 e as outras tres realizaranse no período comprendido entre o mes de Agosto e o 14 de Decembro de 2014.** As asociacións de veciños que se acollan terán que darlle toda a publicidade posible ás actividades que se vaian a realizar e terán que contar cun seguro de responsabilidade que cubra cada unha das actividades.
- c) O concello contratará as actuacións dos grupos non profesionais concedidas ás asociacións veciñais. Correrá por conta dos grupos o permiso da SGAE (no caso de non estar exentos). O custo de cada actuación non poderá superar os 300 € (impostos

engadidos). O concello aboará a correspondente factura nas seguintes condicións:

- A factura será emitida polo artista ou grupo que actúe a nome do Concello de Ferrol (NIF P1503700E) e presentarse no rexistro xeral municipal con data máxima o **15 de decembro de 2014**.
- Achegarase tamén unha certificación expedida polo secretario da asociación veciñal encol da realización da actuación.

d) Obrigas dos grupos:

- Carga e descarga do material, e montaxe e desmontaxe da obra ao finalizar a representación. Cada grupo contará cos seus propios medios persoais e técnicos.
- Será por conta do grupo os gastos de transporte e seguros de equipos, de actuación e de material, e gastos de persoal.
- Deberán achegar todo o equipo necesario para poder levar a cabo a actuación.
- O abono, no seu caso da Seguridade Social así como da SGAE.
- Presentarse na data, hora e sede que se lle atribúa.

e) Obrigas das entidades veciñais:

- Facilitar aos grupos o desenvolvemento da actividade, dispoñendo de persoal para proporcionar, coa antelación suficiente, o acceso ao recinto para que se poida realizar a actividade.
- Organizar as actuacións velando polo seu correcto desenvolvemento, achegando o persoal de vixilancia que se precise.
- Programar como máximo unha actuación por cada fin semana. Quedan exceptuadas de esta obriga **as asociacións veciñais que non dispoñen de local, sempre que a realización das actividades lles supoña gasto económico relativo a aluguer de local, carpa, escenario, etc.**
- Distribuír os carteis anunciadores, nos que debe constar o logo do Concello de Ferrol.
- Expedir as certificacións acreditativas da realización das actuacións.
- Someterse aos actos de comprobación e control do Concello.

Sexta- Os grupos participantes, seleccionados ou non, e as asociacións veciñais que soliciten actuacións aceptan as bases desta convocatoria, sen reserva algunha.

Sétima.- O Concello (organizador) reservase o dereito de modificación das datas e a sede de actuación no caso de circunstancias imprevistas.

Oitava. Calquera grupo seleccionado que non se presente na data, hora e sede que se lle atribúa sen estar debidamente xustificada a ausencia será automaticamente excluído na seguinte edición.

Ferrol, 27 de xaneiro de 2014

O Concelleiro delegado de Cultura e Universidade

Manuel-Reyes García Hurtado